

Chlamydia (*Chlamydia trachomatis*)

Disease Fact Sheet Series

Chlamydia yog dab tsi?

Chlamydia yog ib yam kab mob uas kis los ntawm kev sib deev (STD) uas los ntawm ib tug kab mob hu ua *Chlamydia trachomatis*. Nws yog qhov uas muaj heev tshaj ntawm cov STD hauv lub xeev.

Leej twg thiaj li yuav tau tus kab mob chlamydia?

Cov neeg uas muaj kev sib deev yuav muaj feem tau chlamydia, tiام sis cov uas yuav muaj hmoo tau ntau dua yog cov:

- Cov hluas ua nquag muaj kev sib deev
- Cov neeg uas tau pom tias muaj STD
- Cov neeg uas tus khub pom tau tias muaj STD
- Cov neeg uas sib deev nrog ntau tshaj ib tug neeg
- Cov neeg uas muaj ib tug khub ntawm kev sib deev tshiab

Chlamydia kis tau li cas?

Chlamydia feem ntau kis los ntawm kev sib chwv ntawm chaw mos, tiام sis chlamydia kis tau rau hauv caj pas, qhov quav thiab qhov muag. Cov menuam yuav tau tus kab mob chlamydia thaum yug yog tias tus niam muaj tus kab mob no.

Cov kev qhia thiab tsos mob ntawm chlamydia yog dab tsi?

Feem ntau cov neeg yuav tsis muaj tsos mob dab tsi li. Yog tias muaj tsos mob, feem ntau cov poj niam muaj kua hauv qhov chaw mos, mob kub kub thaum tso zis thiab zoo nkaus li xav tso zis tas li xwb. Qhov kub kub thaum tso zis ntawv tej zaum yuav muaj rau cov txiv neej uas tau chlamydia thiab.

Cov tsos mob yuav tshwm sai npaum li cas?

Thaum uas cov tsos mob tshwm, lawv feem ntau tshwm sim li 1-2 plua tom qab ntawm kev sib deev nrog ib tug neeg uas tau tus kab mob no.

Ib tug neeg yuav tau tus kab mob no mus hov ntev?

Chlamydia tej zaum yuav mob mus ntau hli yog tias tsis kho, nrog rau cov neeg uas tsis muaj tsos mob. Thaum lub sij hawm no, tej zaum yuav muaj kev puas tsuaj hauv poj niam lub tsev menuam thiab tus kab mob yuav kis tau mus rau tus uas nws sib deev nrog.

Kev mob chlamydia yav dhau los puas yuav tiv thaiv tau tus neeg?

Tsis tau. Kev rov mob chlamydia dua yuav tshwm sim tau thaum twg los tau thaum uas tus neeg rov qab mus kis tau.

Cov kev kho rau chlamydia yog dab tsi?

Feem ntaw kws kho mob sau cov tshuaj xws li doxycycline los sis ofloxacin uas siv li 7 hnub. Lwm cov tshuaj kho mob xws li azithromycin uas siv ib zaug los yuav sau tau rau thiab.

Yuav ua li cas yog tias kuv muaj chlamydia thiab ho tsis nrhiav tshuaj kho?

Qhov tsis kho chlamydia, thiab tshwj xeeb tshaj yog qhov uas rov qab kis dua chlamydia, yog ib qho loj tshaj uas ua tau ib tug mob rau ntawm poj niam lub tsev menuam (pelvic inflammatory disease (PID)), uas yuav ua tau kom poj niam tsis txhob muaj menuam ntxiv lawm (muaj tsis taus menuam lawm). PID tseem ua tau kom cov nqaij mos hlav hauv txoj hlab menuam, ua kom xeeb menuam uas tsis yog nyob rau hauv txoj hlab menuam (kev xeeb menuam uas tsis yog nyob hauv lub tsev menuam) thiab kev mob puab tais tas mus li. Ntawm cov txiv neej, kev mob los ntawm qhov kab mob yuav ua tau kom mob rau hauv lub noob ques (epididymitis) thiab thaiv kev muaj menuam.

Kuv yuav zam qhov kev uas raug tus kab mob no li cas?

Yog tias koj tsis muaj ib tug khub uas koj deev nrog ib leeg xwb, mus tas li, los sis ib tug khub uas koj deev nrog tag koj sim neej, siv ib lub hnab looj yuav pab tiv thaiv tau chlamydia thiab lwm cov kab mob uas kis los ntawm kev sib deev.

Kuv yuav ua li cas yog tias kuv xav tias kuv tau tus kab mo no?

Ib qho kev soj ntsuam rau chlamydia yuav qhia tau zoo, thiab sai thiab nws muaj nyob rau tom koj tus kws kho mob qhov chaw soj ntsua mob, tom cov chaw pab npaj muaj menuam thiab cov chaw uas soj ntsuam txog STD. Kev paub ntxov thiab kev kho yog cov uas yuav pab zam tau teeb meem loj thiab qhov kis rau lwm tus. Yog tias qhov kev soj ntsuam pom tau hais tias koj muaj tus kab mob no, tag nrho cov neeg uas koj deev nrog 3 lub hlis tas los los sis koj tus khub uas koj deev nrog tam sim no yuav tsum tau mus soj ntsuam tus kab mob chlamydia thiab nrhiav kev kho, txawm tias lawv tsis muaj tsos mob. Cov neeg txawj ntse txog kev kho mob hauv koj lub caj meem fai kho mob uas nyob ze yuav pab koj txog qhov uas qhia rau cov neeg uas koj tau deev nrog. Yog tias cov neeg uas koj deev nrog tau tus kab mob no thiab tsis kho, koj yuav rov qab kis tau yog tias koj rov qab sib deev nrog tus khub qub.

Yog tias kuv muaj chlamydia, kuv puas yuav tau lwm cov STD thiab?

Tau. Yeej muaj tau ntaw dua ib qho STD rau ib lub sij hawm twg. Cov STD txawv yuav kis tau tib yam – los ntawm qhov kev sib deev txawv (qhov ncauj, qhov quav, qhov paum, tus qau). Ntxiv thiab, ib qho mob chlamydia uas tsis kho yuav nce tau koj qhov hmoov uas yuav tau HIV thiab. Nws tseem ceeb heev uas koj yuav tau teem sij hawm mus tom koj tus kws kho mob qhov chaw soj ntsuam mob los sis ib qho chaw soj ntsuam es mus soj ntsuam rau STDs kom sai li sai tau yog tias koj pom tej yam uas qhia tau los sis tej tsos mob los sis paub hais tias deev nrog ib tug neeg uas muaj STD.